

## Samningur um umsjón og rekstur náttúruvættisins í landi Teigarhorns í Djúpavogshreppi

### 1. gr.

#### *Samningsaðilar.*

Umhverfisstofnun, kt. 701102-2880, og sveitarfélagið Djúpavogshreppur, kt. 570992-2799, gera með sér samning um umsjón og rekstur náttúruvættisins á Teigarhorni í samræmi við 30. gr. laga um náttúruvernd, nr. 44/1999. Friðlýsta svæðið er 200 ha að flatarmáli.

### 2. gr.

#### *Markmið samningsins.*

Markmið samningsins er að umsjón og rekstur náttúruvættisins á Teigarhorni sé í samræmi við lög um náttúruvernd, nr. 44/1999, og reglur hins friðlýsta svæðis í samræmi við auglýsingu um friðlýsinguna í Stjórnartíðindum.

### 3. gr.

#### *Mörk verndarsvæðisins.*

Mörk náttúruvættisins ná frá stórstraumsfjöruborði að þjóðvegi við Prófastsgötu í Eyfreyjunesvík að Búlandsá auk gljúfurs Búlandsár, upp fyrir Selfoss ásamt 100 m breiðu beltí meðfram gljúfrinu sitt hvoru megin. Mörk þess eru sýnd á meðfylgjandi hnitsettum uppdraetti í fylgiskjali I. Heildarflatarmál svæðisins er 200 ha.

### 4. gr.

#### *Verndar- og stjórnunaráætlun og vöktun.*

Umhverfisstofnun skal í samvinnu við umsjónar- og rekstraraðila sjá um gerð verndar- og stjórnunaráætlunar fyrir hið friðlýsta svæði í samræmi við d-lið 6. gr. laga um náttúruvernd, nr. 44/1999.

### 5. gr.

#### *Umsjón og landvarsla.*

Umsjónar- og rekstraraðili sér um daglega umsjón og rekstur náttúruvættisins. Dagleg umsjón felur t.d. í sér að sveitarfélagið sér um að svæðið líti vel út, fjarlægi rusl, hafi eftirlit með því að verndargildi svæðisins rýrni ekki, bregðast við akstri utan vega o.s.frv. Málefnum sem upp kunna að koma og kalla á sérstakar ráðstafanir eða stjórnvaldsákvarðanir ber að vísa til Umhverfisstofnunar.

Ef ráðinn er landvörður fyrir náttúruvættið skal viðkomandi að lágmarki uppfylla ákvæði 29. gr. laga nr. 44/1999, um náttúruvernd, sbr. 1. gr. reglugerðar um landverði, nr. 61/1990.

### 6. gr.

#### *Verndun gróðurs og dýralífs.*

Vernda skal vistkerfi og líffræðilega fjölbreytni svæðisins þannig að það geti þróast eftir náttúrlegum lögmálum og á eigin forsendum.

Óheimilt er að spilla gróðri og trufla dýralíf af ásetningi í náttúruvættinu, nema um veiðar á villtum fuglum og villtum spendýrum sé að ræða í samræmi við ákvæði laga nr. 64/1994, um vernd friðun og veiðar á villtum fuglum og villtum spendýrum.

Óheimilt er að sleppa eða dreifa framandi lífverum á verndarsvæðinu, þ.m.t. að rækta framandi plöntutegundir innan marka náttúruvættisins, sbr. reglugerð um innflutning, ræktun og dreifingu útlendra plöntutegunda nr. 583/2000.

H2K DGA  
CS ES  
KMK

7. gr.

*Verndun geislasteina/zeólíta og bann við röskun jarðmyndana*

Óheimilt er að raska jarðmyndunum, þ.m.t. með hvers konar áletrunum og óheimilt er að hrófla við geislasteinum/zeólítum þar sem þeir koma fram í jarðlögum. Að auki er óheimilt að flytja geislasteina/zeólíta út af svæðinu nema að fengnu leyfi Umhverfisstofnunar. Geislasteinar/zeólítar sem veðrast úr brimklifinu skal umsjónar- og rekstraraðili hirða upp til varðveislu. Allir steinar sem finnast á verndarsvæðinu tilheyra landeiganda. Náttúrufræðistofnun Íslands skal hafa eftirlit með geislasteinunum/zeólítunum í samræmi við lög nr. 60/1992, um Náttúrufræðistofnun Íslands og náttúrustofur.

8. gr.

*Umferð um náttúruvættið.*

Almenningi er heimil för um náttúruvættið og er öllum skylt að ganga vel og snyrtilega um svæðið.

Óheimilt er að aka vélknúnum ökutækjum utan vega í náttúruvættinu.

Óheimilt er að hafa hunda lausa innan náttúruvættisins. Þó er heimilt að hafa þarfahunda lausa innan náttúruvættisins þegar þeir eru að störfum í gæslu eiganda eða umráðamanns, í samræmi við samþykkt Djúpvogshrepps um hundahald í Djúpvogshreppi.

9. gr.

*Notkun skotvopna.*

Notkun skotvopna er bönnuð innan marka náttúruvættisins nema annars vegar við veiðar á ref og mink og hins vegar við skotveiðar, svo sem hreindýraveiðar, í samræmi við lög um vernd, friðun og veiðar á villtum fuglum og villtum spendýrum, nr. 64/1994. Skylt er að tilkynna umsjónaraðila svæðisins um alla notkun skotvopna.

10. gr.

*Fræðsla.*

Umhverfisstofnun og umsjónar- og rekstraraðili hafa samstarf um útgáfu fræðsluefnis. Skiltagerð á svæðinu skal vera í samræmi við Skiltahandbók Umhverfisstofnunar, Vatnajökulspjöldgarðs og Ferðamálastofu. Um skiptingu kostnaðar vegna útgáfu fræðsluefnis skal samið hverju sinni.

11. gr.

*Gjaldtaka og þjónustugjöld.*

Umsjónar- og rekstraraðili er heimilt að taka gjald fyrir þjónustu sem veitt er innan náttúruvættisins, svo sem leiðsögn um svæðið, sbr. 32. gr. laga um náttúruvernd, nr. 44/1999.

12. gr.

*Skipting kostnaðar.*

Umsjónar- og rekstraraðili kostar laun og annan kostnað vegna daglegrar umsjónar og rekstrar á náttúruvættinu. Umsjónar- og rekstraraðili greiðir jafnframt fasteignagjöld og önnur opinber gjöld sem lögð verða á jörðina. Hvers konar tekjur af jörðinni renna til umsjónar- og rekstraraðila. Um skiptingu kostnaðar sérstakra verkefna skal samið hverju sinni.

HJKE DVA  
GÖ SE  
KIX

13. gr.

*Skýrslugerð*

Umsjónar- og rekstraraðili skal gefa Umhverfisstofnun og umhverfis- og auðlindaráðuneytinu skýrslu ár hvert um ástand, framkvæmdir og aðra starfsemi á náttúruvættinu. Skila skal skýrslunni fyrir 1. nóvember ár hvert. Í skýrslunni skal m.a. tilgreina ástand lands og lífríkis, áætlaðan gestafjölda, fræðslu, umgengni, rannsóknir, framkvæmdir og kostnað af þeim og annað sem kann að skipta máli varðandi fólkvanginn.

14. gr.

*Eftirlit Umhverfisstofnunar.*

Umhverfisstofnun hefur eftirlit með því að umsjónar- og rekstraraðili uppfylli samningsskuldbindingar í samræmi við samning þennan, þær reglur sem gilda um náttúruverndarsvæðið, sbr. auglýsingu um friðlýsingu í Stjórnartíðindum, 30. gr. laga um náttúruvernd, nr. 44/1999, og verndar- og stjórnunaráætlun.

15. gr.

*Gildistaka*

Samningurinn tekur gildi við staðfestingu umhverfis- og auðlindaráðherra. Samningur þessi er í þremur samhljóða eintökum og heldur hvor samningsaðili einu eintaki og ráðherra einu.

16. gr.

*Ákvæði um endurskoðun.*

Hvor samningsaðili um sig getur óskað eftir endurskoðun á samningi þessum hvenær sem er. Þó skal endurskoða samninginn eigi síðar en að 5 árum liðnum frá undirritun hans. Gagnkvæmur uppsagnarfrestur samnings þessa er 6 mánuðir.

17. gr.

*Meðferð ágreiningsmála.*

Umhverfis- og auðlindaráðherra úrskurðar um ágreiningsmál varðandi samning þennan.

*Umhverfis- og auðlindaráðuneytinu, 15. apríl 2013*

Gandi Jóhannsson

Kristinn L. Arnaldsson


Vottar

Jóhanna Dóttir

Stjórn Umhverfisstofnunar

Kjartan

Fylgiskjal I





UMHVERFISSTOFNUN  
<http://www.ust.is>

**Friðlýsing gælassteina  
í landi Teigarhorns**

Mörk mættunuvættis



Flátmál: 2 ha  
 Kostnaður: Landgræfingur  
 Mættunubú: SÖB  
 Kostgæf: Guðni Hjálmsson LLM  
 Daga: 17.04.2013  
 © Landmælingar Íslands

KUG  
GF  
SS

JGA